

ՄԱՏԵՐԻԱՅԻ ԿԱՌՈՒՅՎԱԾՔՈՒՄ ՎԵՐՋԱՎՈՐԻ ԵՎ ԱՆՎԵՐՋԻ ՊՐՈՐԵՍՏԸ

2. 2. ՍԱՀԱԿՑԱՆ

Անվերջի ու վերջավորի պրոբլեմն եղել ու մնում է փիլիսոփայության և բնագիտության բարդ պրոբլեմներից մեկը: Խոշոր մաթեմատիկոս Դ. Հիլբերտը գրում էր, որ ոչ մի պրոբլեմ այնպես չի հուզել մարդկային հոգին, ինչպես անվերջի պրոբլեմը, ոչ մի գաղափար այնպես չի ազդել բանականության վրա, այնպես, չի գրգռել և եղել արդյունավետ, ինչպես անվերջի գաղափարը: Անվերջի և վերջավորի պրոբլեմը քննվել է ինչպես մատերիալիստական, այնպես էլ իդեալիստական համակարգերում: Այդ հարցի շուրջը մղվող անողորմ պայքարը շարունակվում է: Իդեալիզմն առաջնային է համարում հոգեկան սուբստանցը, քանի որ սուբստանցը չի կարող անվերջ լինել: Կրոնն ընդունում է աստծո անվերջությունը, որը, իբր թե, ունի անսահման դիտելիք, իմացություն, բարոյականություն և այլն:

Մատերիալիզմն առաջնային է համարում մատերիան՝ անվերջությունն ընդունելով որպես մատերիայի հատկություն: Մատերիալիզմի պայքարն իդեալիզմի և կրոնի դեմ ներկայումս սրվում է, որովհետև իդեալիզմը, օգտագործելով գիտության նոր փաստերը, փորձում է հիմնավորել աշխարհի վերջավոր լինելը, իսկ կրոնը՝ աստծո անվերջությունը և աշխարհի սահմանափակ, վերջավոր լինելը:

Վերջավորի և անվերջի պրոբլեմի այժմեականությունն էլ ավելի է մեծացել նրանով, որ մարդն ավելի է թափանցել մատերիայի կառուցվածքի թե՛ փոքր և թե՛ մեծ բնագավառների մեջ, որտեղ բացահայտում է ընդհատություն և անընդհատության, բաժանելիության և անբաժանելիության, տարածության և ժամանակի միասնությունը՝ կապված վերջավորի և անվերջի հետ:

Անվերջը և վերջավորը մենք քննում ենք մատերիալի անվերջության և վերջավորության, հետ: Տարածության ու ժամանակի անվերջ և վերջավոր լինելը կարելի է բացահայտել մատերիայի անվերջության և վերջավորության միջոցով:

Հին աշխարհի որոշ մտածողներ տարածության և ժամանակի անվերջությունը պատկերացնում էին դրանց մեջ մատերիայի անվերջ տարածման ձևով: Դեմոկրիտը, էպիկուրը, Լուկրեցիոս Կարը և ուրիշներ անվերջության պրոբլեմի հետ դրեցին նաև անսահմանի պրոբլեմը: Անսահման ասելով հասկանում էին սահմանի բացակայություն ընդհանրապես, որը նշանակում է վերջավորի սահմանից դուրս դալը: Դեմոկրիտը գտնում էր, որ անսահման տարածության մեջ, որը համարում էր դատարկ տարածություն, գոյություն ունեն անվերջ քանակությամբ ատոմներ, որոնք շարժվելով միանում են և կազմում բոլոր առարկաները, մարմինները: Նա ասում էր, որ աշխարհում գոյություն ունեն անթիվ քանակությամբ մեր արևի նման արևներ, իսկ մեղ տեսանելի Ծիր Կաթինը ներկայացնում է մեզանից մեծ հեռավորության վրա գտնվող մեծ քաղաքային աստղերի ամբողջություն: Լուկրեցիոս Կարը գեղարվեստորեն, տվել է անսահմանի պատկերը.

«...Տարածությունը շունի և ոչ մի սահման:

Տիեզերքը ոչ մի կողմից, անշուշտ, շունի ոչ վերջ,

Որովհետև այլապես նա պիտի ծայրեր ունենար:

Բայց չի կարող, ակներև է, մի բան ծայրեր ունենալ,

Եթե միայն նրանից դուրս չկա այլ բան, որ նրա

Վերջը ցույց տաք...»¹:

«Աշխարհից դուրս ոչինչ չկա, ծայր տալ նրան չենք կարող...»²:

«Տիեզերքը սահման չունի, ազատորեն փռվել է

Տարածության մեջ անսահման, անվերջ ամեն ուղղությամբ»³:

Անսահման ասելով՝ հասկանում էին անընդհատ մեծացում, ինչքան էլ որ այն մեծ լինի:

Այսպիսով, հին աշխարհում դրվեց անվերջության և անսահմանության պրոբլեմը: Մատերիալի անվերջությունը տեսնում էին նրա հավերժության, հավիտենական դոյության մեջ: Օրինակ, Հերակլիտը գտնում էր, որ «այս տիեզերքը՝ միևնույնը բոլոր գոյավորների համար, չի ստեղծել ոչ մի աստված և ոչ մի մարդ, այլ այն միշտ եղել է, կա և կլինի որպես հավերժ կենդանի կրակ, որը բոցավառվում է ու որոշակի չափով մարում»⁴:

Հին աշխարհի մտածողների կարծիքով ժամանակը միշտ գոյություն է ունեցել, նա չի առաջացել, քանի որ մատերիան անսպառ է և անվերջանալի: Օրինակ, Արիստոտելը ժամանակը համարում էր հավիտենական և անվերջություն: Ժամանակը չի կարող առաջանալ կամ ոչնչանալ, ասում էր Արիստոտելը: չէ որ, եթե չկա ժամանակը, ապա չի կարող լինել «առաջ» և «հետո»:

Անտիկ աշխարհի փիլիսոփաները առաջ քաշեցին նաև ակտուալ և պոտենցիալ անվերջության գաղափարը: Ակտուալ անվերջություն ասելով՝ հասկանում էին ավարտուն, ամբողջական անվերջություն:

Ակտուալ անվերջության տեսակետի համար հիմք է հանդիսացել մատերիալի ամբողջությամբ պատկերացումը:

Արիստոտելը հանդես եկավ ակտուալ անվերջության դեմ: Նա գտնում էր, որ գոյություն ունի անվերջություն, բայց չի տրված ամբողջությամբ: Անվերջը, ըստ նրա, գոյություն ունի որպես բաժին, մաս, բայց միաժամանակ գոյություն ունի էլի ինչ-որ պրոցես: Հետևաբար, անվերջն այն է, որն իրենից դուրս ունի էլի ինչ-որ բան: Արիստոտելը ընդունում էր անվերջությունը, բայց ոչ ամբողջական, ավարտուն ամբողջությունը, այլ պոտենցիալ անվերջությունը:

Պոտենցիալ անվերջության պատկերացումը Արիստոտելին հնարավորություն էր տալիս անվերջությունը դիտել որպես հնարավորության իրականություն վերածում: Դրանով Արիստոտելը կապ էր ստեղծում անվերջի և վերջավորի միջև, հակառակ այն մտածողների, որոնք վերջավորն անջատում էին անվերջից և հակադրում իրար:

Արիստոտելը, ելնելով պոտենցիալ անվերջության հասկացությունից, ենթադրում էր, որ տարածությունը և ժամանակը իրենց պոտենցիալի մեջ անվերջանալիորեն անսահման բաժանելի են: «Խսկապես, — ասում էր Արիստոտելը, — շարժումը կարող է առաջանալ տարբեր արագությամբ. դրանից հետևում է, որ փոքր արագություն ունեցող շարժումից ավելի արագ շարժման անցնելու դեպքում «ավելի արագը պետք է բաժանի ժամանակը», իսկ արագ շարժումից դեպի դանդաղ շարժման անցնելու դեպքում «ավելի դանդաղը պետք է բաժանի երկարությունը»⁵:

Այստեղ պետք է նկատել, որ Արիստոտելը բացարձակացնում էր շարժման անընդհատությունը, մինչդեռ այն նաև ընդհատ է:

Արիստոտելից սկսած մինչև մեր օրերը պոտենցիալ անվերջությունն իր դինամիկ բնույթով մտավ գիտության մտածողության մեջ: Ակտուալ և պոտենցիալ տեսակետների պայքարում ակտուալ տեսակետը դուրս է մղվում պոտենցիալ տեսակետի կողմից: Դրա պատճառներից մեկն այն է, որ իդեա-

1 Լ ու կ ռ ե ճ ի ո ս, Իրերի բնության մասին, Նրեան, 1960, էջ 33:

2 Նույն տեղում:

3 Նույն տեղում, էջ 34:

4 Материалисты Древней Греции, М., 1955, с. 44.

5 Аристотель, Физика, М., 1937, с. 65.

լիստական-կրոնական փիլիսոփայության կողմից պրոպագանդվում էր ահա-տուալ անվերջությունը:

Նոր դարերում փիլիսոփայությունը և գիտությունը աստիճանաբար ազատվում են ակտուալ անվերջության գաղափարից: Բնության անվերջությունը բացատրելիս արդեն օգտվում են պոտենցիալ անվերջության հասկացությունից: Գալիլեյը, օրինակ, անվերջությունը հասկանում էր ոչ վերջավոր իմաստով, որը հնարավորություն ունի դուրս գալու ամեն մի վերջավոր մեծության սահմաններից: Անվերջության գալիլեյան պատկերացումը հետագա զարգացում է գտնում Դեկարտի, Լոկի և ուրիշների մոտ: XVII դ. պոտենցիալ անվերջությունը համարվում էր միակ ճիշտ գիտական հասկացությունը:

Սակայն իրականության պոտենցիալ և ակտուալ պատկերացումներն իրար հակասող, միակողմանի տեսակետներ են: Դրանցից յուրաքանչյուրը վերցնում է մատերիալի մի կողմը: Բայց բնությունը ակտուալի և պոտենցիալի միասնություն է: Ակտուալությունը, դա ռեալ գոյություն է, իսկ պոտենցիալը՝ նրա շարժումը, նորի առաջացումը և հնի կործանումը: Մատերիալի այդ երկու անվերջությունները դիալեկտիկորեն անցնում են մեկը մյուսին:

Բնագիտությունն անվերջությունը բացատրում է տիեզերական Ֆիզիկական մոդելների միջոցով: Այդպիսի մոդել առաջինը ստեղծել է Նյուտոնը: Նա ընդունում էր, որ տարածությունն անվերջ է, իսկ որպեսզի անվերջ տարածության մեջ ձգողության շնորհիվ մի տեղում հսկայական մասսա չհավաքվի, այն պետք է անվերջ տարածության մեջ բաշխվի հավասարապես: Այդ մոդելում առաջացան դժվարություններ, որոնք կլասիկ տիեզերագիտությունը լուծել չէր կարող:

Այդ ուղղությամբ կարևոր քայլ կատարեց Ա. էյնշտեյնը: Նա ստեղծեց հարաբերականության ընդհանուր տեսությունը, որում տարածության և ժամանակի երկրաչափական հատկությունները (մետրիկան) կապեց մատերիալի հետ: Հարաբերականության ընդհանուր տեսությունը ցույց է տալիս, որ մասսաների (մատերիական մարմինների՝ Արեգակի, աստղերի) գրավիտացիոն դաշտում տարածություն—ժամանակը կորանում է: Նա գտնում էր, որ տարածական ժամանակային մետրիկան չի փոխվում: էյնշտեյնի արեց այն եզրակացությունը, որ աշխարհի տարածությունը սահմանափակ է: Նա դա հաստատում էր նրանով, որ եթե մի որևէ աղբյուրից լույսի ճառագայթը դուրս գա, ապա վերջավոր ժամանակում կվերադառնա ելման կետ: Դրանով նա հաստատում էր աշխարհի վերջավոր լինելը: Սակայն էյնշտեյնի մոդելը չէր լուծում անվերջության պրոբլեմը, այն ավելի շուտ հաստատում էր անսահմանությունը:

էյնշտեյնի հարաբերականության ընդհանուր տեսությունից գիտնականները արեցին երկու եզրակացություն: Նրանց մի մասը գտնում էր, որ աշխարհը վերջավոր է: Մյուսը կարծում է, որ թեև տարածությունը կորացված է, բայց անվերջ է: Դա հենվում էր այն բանի վրա, որ տարածության կորությունը գրավիտացիոն փոքր ձգողության դաշտերում փոքր է: Իսկ տարածության փակվածությունը միայն մասնավոր դեպք է և իդեալականացված է:

Տիեզերքի մասին հոր փաստերը գիտնականներին ստիպում են ստեղծելու անվերջության մասին ավելի կատարելագործված մոդելներ: Ֆրիդմանն առաջ քաշեց այն գաղափարը, որ տիեզերքն ունի ոչ թի ստատիկ, այլ դինամիկ բնույթ և ընդարձակվում ու ստեղծվում է:

Տիեզերքի ընդարձակումն աստղագետները դիտում են նրա վերջավոր և անվերջ լինելու տեսակետից: Մի տեսակետն այն է, որ գալակտիկաների իրարից արագ հեռացման հետևանքով, գրավիտացիոն ուժերը չեն կարող նրանց պահել, կանգնեցնել, որի պատճառով տիեզերքն ընդարձակվում է անվերջ: Մյուս տեսակետի համաձայն տիեզերքի ընդարձակումն անվերջ չէ, նա որոշ ժամանակից հետո պետք է ունենա հակադարձ շարժում՝ սեղմվելու է, այ-

սխեման՝ տիեզերքի բնույթը ցիկլային է: Առաջին տեսակետը պնդում է տիեզերքի անվերջ լինելը, երրորդը՝ վերջավոր լինելը:

Տիեզերքի ընդարձակումը ֆիզիկական պրոցես է, իսկ անվերջությունը հաստատող մոդելները վերաբերում են տիեզերքին: Այսինքն՝ փորձ է արվում անվերջությունը տալ ֆիզիկական իմաստ: Բայց մատերիան և նրա կառուցվածքը չեն սահմանափակվում տիեզերքով: Տիեզերքը մատերիայի կառուցվածքի մեջ մտնում է որպես նրա մի մասը և սահմանափակ է: Այն առաջացել է (աստղագետները անգամ նշում են նրա առաջացման թիվը՝ 15 միլիարդ տարի): Դա խոսում է այն մասին, որ նա առաջացել է մինչև տիեզերական նյութի որոշակի վիճակից:

Տիեզերական մոդելներն անվերջությունը քննում են ընդարձակության՝ մատերիական օբյեկտների անսպառնալիքային կողմից:

Գիտությունը, խորանալով մատերիայի կառուցվածքի մեջ, բացահայտել է միկրոսկոպիկ մասնիկների աշխարհը: Հասկանալի է, որ անվերջությունը պետք է դիտվի նաև միկրոմասնիկների և պրոցեսների տեսակետից: Դա նշանակում է, որ անվերջությունը պետք է քննվի նաև խորությամբ: Այստեղ նկատի է առնվում տարածության և ժամանակի քվանտացումը: Քվանտային տեսությունը միկրոսկոպիկ մասնիկները դիտում է որպես փոքր կառուցվածքներ, որոնք ունեն ֆիզիկական բնութագրեր՝ մասսա, էներգիա, լիցք, իմպուլս և այլն: Այդ հատկություններն իրենց մեծացմամբ կարող են դառնալ անվերջ: Դրանց այդ անվերջությունը ֆիզիկական իմաստ չունի: Գիտնականները մասնիկների հատկությունների անվերջությունը հաղթահարելու համար մտցրել են մինիմալ տարածություն և մինիմալ ժամանակ գաղափարներ:

Դասական ֆիզիկամատերիայի անվերջությունը հաստատում էր մատերիայի անվերջ պարզ բաժանմամբ: Սակայն հաստատվեց, որ մատերիան անվերջանալի բաժանելի չէ: Դա հիմնավորվեց միկրոմասնիկների կառուցվածքով: Պարզվեց, որ չկան պարզ և բարդ կառուցվածքներ ունեցող մասնիկներ, դրանք և՛ պարզ են, և՛ բարդ՝ դրանց միասնությունն են: Հաստատվեց, որ մասնիկները կլասիկ ձևով անվերջ բաժանելի չեն: Դրանց անվերջ բաժանելությունը տեղի է ունենում մեկը մյուսին փոխակերպվելու միջոցով: Դրանք այնպիսի փոխակերպումներ են, որոնք ոչ մի տեղ չեն վերջանում. սա անվերջանալի պրոցես է, որը պետք է դիտել որպես մատերիայի խորության անվերջություն: Այս անվերջությունն ունի երկու կողմ՝ ընդհատություն և անընդհատություն:

Առաջանում է հարց: Մարդը կարո՞ղ է իր գիտելիքներով, ճանաչողության պատմությամբ և պրակտիկ գործունեությամբ հաստատել մատերիայի անվերջությունը: Այո, կարող է. ինչպե՞ս: Տիեզերական մոդելները ներկայացնում են օրինաչափությունների արտարկում (էքստրոպոլացիա), որը հաստատվում է տիեզերքի մեզ հայտնի բնագավառով, ինչը գիտնականները տարածում են տիեզերքի դեռևս մեզ ոչ հայտնի մասի վրա: Դա հենվում է մասսայի, էներգիայի, լիցքի, իմպուլսի և այլ պահպանման օրենքների վրա: Դրանց պահպանումը, որպես մատերիայի և շարժման ֆիզիկական բնութագրեր, հաստատում են նրանց անսպառնալիքային և անվերջությունը: Բացի պահպանության օրենքներից, բնությունն ունի նաև համընդհանուր օրենքներ, որոնք նույնպես հաստատում են մատերիայի անվերջությունը:

Աշխարհի անվերջությունը կարելի է քննել նաև ճանաչողության կողմից: Հասկանալի է, որ աշխարհի անվերջությունը ճանաչողության զգայական օբյեկտ չէ, այն ուղղակի փորձով տրված չէ մարդուն: Մարդկային գործունեությունը տեղի է ունենում վերջավոր, կոնկրետ առարկաների և պրոցեսների շրջանակում: Սակայն մարդն իր ճանաչողության պրոցեսում վերջավորների հետ ընկալում է նաև անվերջը:

Անվերջի ճանաչումը հնարավոր է, քանի որ անվերջը չի գտնվում վերջավորի կողքին, այլ նրա հետ կազմում է միասնություն: Երկուսի միասնու-

թյունը կամ մեկը մյուսի մեջ լինելը հիմք է անվերջի ճանաչման համար: Դիալեկտիկական մատերիալիզմը հաստատում է անվերջի ճանաչումը: Բնության ամեն մի իսկական ճանաչում, ասել է Ֆ. Էնգելսը, հանդիսանում է հավիտենականի, անվերջի ճանաչում և նա գոյություն չունի ըստ էության բացարձակ⁶:

Ճանաչողությունն անվերջանալի շարունակված պրոցես է, որը պայմանավորված է մատերիալի անվերջ լինելով:

Պոտենցիալ անվերջությունը հասկացվում է որպես անվերջանալի պրոցես, ուստի ակտուալ անվերջությունը համեմատ ավելի խոր պատկերացում է: Սակայն պոտենցիալի հասկացությունը նույնպես ունի իր սահմանափակությունը: Դա առաջին հերթին վերաբերում է նրան, որ այն խորությամբ չի բացահայտում անվերջության՝ որպես պրոցեսի բնույթը: Թեպետ անվերջությունը պատկերվում է որպես շարժում, բայց այդ շարժումը հասկացվում էր որպես քանակական մեծացում և փոքրացում, այլ ոչ թե քանակի և որակի միասնություն, նշում են Վ. Սվիդերսկին և Ա. Կարմինը⁷: Պոտենցիալ անվերջությունը որպես շարժում, պրոցես, դիտվելն ուներ իր առավելությունն անսահմանի նկատմամբ: Անսահմանն ընդհանրապես կապված է սահմանի բացասման հետ, սակայն այդպիսի բացասումն ունի մետաֆիզիկական բնույթ, այսինքն նա մի կողմ է թողնում, ոչնչացնում բացասվողը: Սահմանի բացասումը կրում է ոչ թե վերացական, այլ կոնկրետ բնույթ: Դա, իհարկե, ոչ թե վերացական, մեծած սահման է, այլ վերջավոր սահմանների բացասում, որը պրոցես է: Դա նաև նշանակում է դուրս դալ տվյալ պրոցեսի սահմանից և մտնել մեկ ուրիշ օբյեկտի պրոցեսի մեջ, որը նույնպես բացասվում է մեկ այլի կողմից և այսպես անվերջ: Նման բացասումը չի նշանակում «մերկ» սահմանի դուրս գցում, այլ ինչ-որ ձևով նաև պահպանում, որպես բացասման և պահպանման դիալեկտիկական միասնություն⁸: Վ. Սվիդերսկին և Ա. Կարմինն այնուհետև ցույց են տալիս, որ սահմանի բացասումը չի նշանակում մյուս բոլոր սահմանների հեռացում, ինչպես դա տեղի է ունենում սահմանի բացասման ժամանակ, որը, ընդհակառակը, ենթադրվում է ուրիշի նույնանման բացասում: Վերջինը մետաֆիզիկական բացասում է, քանի որ սահմանի բացասումը դեռևս չի նշանակում մի նոր բանի, առաջինից տարբերի առկայություն, այսինքն՝ ինչ-որ որակով և քանակով նոր բան: Վ. Սվիդերսկին և Ա. Կարմինը միանգամայն իրավացի են, երբ ասում են, որ այդպիսի բացասումը դիալեկտիկական բացասում չէ այն պատճառով, որ բացասելով սահմանը, մյուս կողմից, ենթադրվում է դրա նման սահմանի գոյություն: Դիալեկտիկական բացասում նշանակում է, որ հինը բացասվելով հաստատվում է նորը, որը սակայն հինը վերառված ձևով վերցնում է իր մեջ: Նոր սահմանը պետք է լինի ուրիշ, քան հինը և, որն ինչ-որ չափով, ձևով պետք է տարբերվի նախորդից: Պոտենցիալ անվերջության տեսակետի համաձայն դիալեկտիկական բացասումը մնում է գաղտնիք, քանի որ իշխում էր իրականության մոտեցման մետաֆիզիկական մեթոդը: Այդ մեթոդը անտեսում էր որակական բացասումը: Թեև այդ բացասումն անվերջանալի շարժում է, բայց նա նույնի անվերջանալի կրկնություն է: Անվերջությունը հասկացվում էր լոկ քանակական անվերջություն: Քանակական անվերջության մեջ չի երևում նորի առաջացումը, ստորինից բարձրի անցումը, ավելի պարզի և բարդի տարբերությունը: Հեգելը միանգամայն իրավացի էր, երբ գրում էր, որ «անվերջ քանակական առաջադիմությունը միևնույն հակասության առաջատար կրկնությունն է»⁹: Կամ «հոգի»

⁶ Ֆ. Էնգելս, Անտի-Դյուրինգ, Երևան, 1955, էջ 186:

⁷ В. И. Свидерский и А. С. Кармин, Конечное и бесконечное, М., 1966, с. 99.

⁸ Նույն տեղում, էջ 100:

⁹ Гегель, Соч., т. 1. М.—Л., 1930, с. 179.

անվերջությունն իր մեջ նույնն է, չնայած վերջավորի բացասմանը: Անվերջության մեջ առաջադիմությունը միևնույն վերջավորի տխուր կրկնությունն է: Պոտենցիալ անվերջության սահմանափակվածությունը դրսևորվում էր նաև տարածության և ժամանակի պատկերացման մեջ: Այդ պատկերացման համաձայն տարածությունը և ժամանակն ամեն տեղ նույնն են, դրանց կետերը ոչնչով չեն տարբերվում: Բացի այդ, տարածությունը և ժամանակն անվերջանալի լինելով, չեն կապված իրենց բովանդակության, «պարունակություն» հետ, այսինքն՝ մատերիալի հետ:

Անվերջությունը միայն քանակական բնութագրի հանգեցնելը նշանակում է այն գիտել որպես քանակական շարք: Անվերջությունը հանգեցնել քանակի, նշում են Վ. Սվիդերսկին և Ա. Կարմինը, նշանակում է, ըստ էության, անվերջությունը հանգեցնել ոչ միայն քանակի, այլև որակի, որին վերաբերում է անվերջանալի քանակը¹⁰: Ստացվում է անվերջանալի որակ: Մյուս կողմից, եթե անվերջությունը բնորոշվում է որպես որակական որոշակիություն, ապա նա հանդես է գալիս արդեն ոչ թե պրոցես, ոչ թե պրոցես-շարժում, այլ որպես կայունություն, անփոփոխություն: Անվերջությունն այդ դեպքում նշանակում է տվյալ որակի պահպանում ամեն մի քանակական փոփոխության դեպքում¹¹: Բնության մեջ չի կարող լինել ո՛չ զուտ քանակական և ոչ էլ զուտ որակական անվերջություն: Անվերջության բնույթը կարելի է հասկանալ քանակական և որակական փոփոխության մեջ:

Նոր դարերում մատերիալիստները, որոնք պաշտպանում էին պոտենցիալ անվերջության գաղափարը, արդեն նկատում էին նրա սահմանափակվածությունը: Հորսը գրում էր, որ եթե դենք աշխարհի անվերջության մասին հարցը, դրա համար օգտագործելով պոտենցիալ անվերջությունը, ապա աշխարհ հասկացությունը կկորցնի իր իմաստը¹²:

Սպինոզան նույնպես քննադատում էր պոտենցիալ անվերջությունը: Նա գտնում էր, որ պոտենցիալ անվերջությունն անվերջության առանձին ձև է, ռեալ իրականություն, որի վերացական դիտման դեպքում այն անվանում ենք պոտենցիալ անվերջություն: Նման տեսակետ էր պաշտպանում նաև Զ. Թոլանդը: Նա նշում էր, որ անվերջությունն բառը հանգեցրել է զարմանալի խառնաշփոթության¹³:

Այդ ժամանակ անվերջության մասին գոյություն ունեցող անբավարարվածությունը հանգեցրեց նրան, որ որոշ փիլիսոփաներ առաջարկում էին անվերջության հասկացությունն ընդհանրապես հանել շրջանառությունից: Օրինակ, է. Կոնդելյակը պնդում էր, որ անվերջության հասկացությունն այնպիսի գաղափար է, որը մենք չունենք¹⁴: Նա այն համարում էր դատարկ և բոլորովին անպետք ֆանտազիա և քննադատում էր Ռ. Դեկարտին, Զ. Լոկին: Սպինոզային ու մյուսներին, ոտոնք այն օգտագործում էին:

Անվերջության հասկացության վրա հատկապես ուժեղ հարձակում էր գործում Զ. Բերկլին: Նա մերժում էր անվերջության հասկացությունը և նրա օգտագործումը գիտության մեջ: Մենք, ասում էր նա, պետք է ուրույնությունը ազատենք բոլոր տեսակի դժվարություններից և հակասություններից¹⁵:

Դիալեկտիկական մատերիալիզմն անվերջությունը հասկանում է նաև օբյեկտներին, ձևերին, կապերի անսահման բաժանվածություն, որը բնութագրում է անվերջությունը:

Վերջավորը և անվերջը մենք քննում ենք մատերիալի կառուցվածքի և օբյեկտների կառուցվածքի ու դրանց տարածության և ժամանակի հետ: Ժա-

¹⁰ В. И. Свидерский и А. С. Кармин, *Уд. шк.*, էջ 109:

¹¹ Նույն տեղում, էջ 109:

¹² Т. Гоббс, *Избранные соч.*, М.—Л., 1926, с. 71.

¹³ Д. Ж. Толанд, *Избранные соч.*, М. Л., 1927, с. 103.

¹⁴ Э. К. Кондельяк, *Трактат о системах*, М., 1938, с. 82.

¹⁵ Д. Ж. Беркли, *Трактат о начале человеческого знания*, Спб., 1905, с. 153.

մանակակից գիտությունը հաստատել է, որ ինչպես մատերիան, այնպես էլ նրա բոլոր ձևերը՝ նյութական օբյեկտները և գաղտերը, ունեն կառուցվածք։ Կառուցվածքի միջոցով վերջավորի և անվերջի վերլուծությունը, մեր կարծիքով, ավելի լայն հնարավորություն է թափախում թափանցել իրականության բնույթի մեջ, բացահայտել, մի կողմից, վերջավորի և անվերջի էությունը, իսկ մյուս կողմից՝ դրանց դիալեկտիկական միասնությունը։

Նախ քան նենք վերջավոր օբյեկտները՝ և դրանց վերջավոր բնույթը, ապա մատերիայի անվերջությունը, դրա հետ՝ նաև տարածության ու ժամանակի անվերջությունը՝ նկատի ունենալով, որ տարածությունը և ժամանակը գոյություն չունեն մաթեմատիկոս անկախ, որպես առանձին էություններ, հետևվարար իրենք իրենց չեն կարող լինել ո՛չ վերջավոր և ոչ էլ անվերջ։

Մատերիայի ամեն մի օբյեկտ ունի կառուցվածք, բաղկացած է տարրերից, որոնք գիալեկտիկորեն կապված են՝ կազմելով կայուն համակարգեր՝ օբյեկտներ։ Դա այնպիսի կառուցվածք է, որտեղ յուրաքանչյուր տարր պայմանավորված է մյուսներով։ Թե՛ անմիջական և թե՛ միջնորդավորված կապերով միացած կառուցվածքի բոլոր տարրերը կազմում են միասնություն։ Դա կարելի է պատկերացնել այսպես. յուրաքանչյուր տարր շրջապատված է որոշակի քանակությամբ տարրով, որոնք կազմում են հենց այդ տարրի շրջապատը։ Բայց այդ շրջապատի յուրաքանչյուր տարր ունի իրեն շրջապատող տարրեր։ Դրանցից յուրաքանչյուրն իր հերթին շրջապատված է այդ տարրերով, իսկ մյուս կողմից՝ ինքն է մտնում շրջապատող տարրերի մեջ, այսինքն դրանք փոխադարձաբար միմյանց շրջապատում են։ Այսպիսով, կառուցվածքի բոլոր տարրերը կազմում են մեկը մյուսի շրջապատը։ Կարելի է ասել, որ կառուցվածքը ներկայացնում է տարրերի շրջապատերով կառուցվածք։ Այն, ինչքան էլ մեծ կամ փոքր լինի, միշտ էլ վերջավոր է, որովհետև, որպես կայուն կառուցվածք, նա ունի այնպիսի էներգիա (շարժման քանակ), որ կարողանում է տարրերին պահել միասնության մեջ։ Հակառակ դեպքում այն կքայքայվեր։ Մյուս կողմից, որպեսզի կառուցվածքը գոյություն ունենա, շրջապատի մեջ մտնող տարրերը պետք է գտնվեն որոշակի հեռավորության վրա, որը հնարավոր դարձնի նրանց փոխներգործումը։ Սրանք հանգեցնում են կառուցվածքի սահմանափակման, նրան դարձնում սահմանափակված ամբողջ։ Դա արդեն վերջավոր որոշակի օբյեկտ է։ Ոչ միայն ինքն է որոշակի, այլ որոշակի է նաև իր հատկություններով։ Դրա այդպիսի հատկություններից են նաև տարածությունը և ժամանակը։ Այդ հատկությունները պայմանավորված են կառուցվածքով, որոնք հանդես են գալիս ոչ միայն օբյեկտի արտաքինում, այլև կառուցվածքում։ Ավելի ճիշտ կլինի ասել, որ ներքին տարածությունը և ժամանակը դրսևորվում են օբյեկտի արտաքինում՝ որպես նրա տարածության և ժամանակի ձև։

Օբյեկտը որպես ռեալ գոյություն ունեցող պրոցես է, որը պայմանավորված է իր կառուցվածքով, նրա մեջ տեղի ունեցող պրոցեսներով։ Ամեն մի օբյեկտ օժտված է ներքին և արտաքին հատկություններով։ Այն ներքին բնույթով իր բացասումն է։ Անընդհատ տեղի է ունենում անցումն ուրիշի, շարունակելով մնալ նույնը, որպես իր վերջավորը։ Վերջավոր օբյեկտի վերջավոր հատկությունները՝ տարածությունը, ժամանակը, շարժումը լինելով վերջավոր՝ տարբերվում են մյուս վերջավորներից։ Այդ պատճառով էլ նրա տարածությունը և ժամանակը նույնպես տարբերվում են ուրիշներից։ Կարելի է ասել, որ վերջավորն այդպիսին է, որովհետև իր հատկություններով տարբեր է ուրիշներից, որոնց ամբողջականությունն էլ վերջավորին տալիս է որակական և քանակական որոշակիություն։ Վերջավորների բազմազանությունը բնորոշում է նաև տարածության և ժամանակի բազմազանությունը։ Մյուս կողմից, բոլոր վերջավորները նաև նույնական են։ Դրանց նույնական լինելը նույնական է դարձնում նաև իրենց տարածությունն ու ժամանակը։ Դա հնարավորություն է տալիս վերջավորների մեջ տարբերելու դրանց հատկությունների նույնական և տարբեր լինելը, այսինքն՝ նույնականը տեսեսել տարբերի

մեջ, իսկ տարբերը՝ նույնականի: Յուրաքանչյուր վերջավոր նույնականի և տարբերի միասնությունն է:

Վերջավորը բնութագրական է նաև նրանով, որ նա ունի չափ, այսինքն՝ ամեն մի վերջավոր կարելի է չափել և համեմատել, որով դրսևորվում է վերջավորի քանակական հատկությունը: Բայց քանակական հատկությունն իմաստ ունի միայն վերջավորի որակական որոշակիությամբ և հակառակը: Այստեղից էլ չկա որակ առանց քանակի, քանակ՝ առանց որակի: Դրանք դիալեկտիկական միասնություն են կազմում՝ մեկը պայմանավորում է մյուսը: Այդ կապի մեջ վերջավորը մի կողմից պահպանում է իրեն, մյուս կողմից՝ առաջ է բերում փոփոխություն և զարգացում: Այսինքն՝ վերջավորի այդ հատկություններից մեկի բացարձակացումը հանգեցնում է վերջավորի սխալ պատկերացման, իրականության աղավաղման:

Վերջավորը գոյություն չունի ինչ-որ մեկուսացված ձևով, ինքն իր համար, ինքն իր մեջ: Այդպիսի վերջավոր օբյեկտներ չկան: Ոչ մի վերջավոր ինքն իրեն չի կարող վերջավոր լինել, առանց ուրիշ վերջավորների. հենց ուրիշ վերջավորների շնորհիվ է նա դրսևորվում որպես վերջավոր: Դա այն իմաստով, որ նա բաժանվում է ուրիշներից, հանդես է գալիս նրա սահմանը: Սահմանի առկայությունը բնորոշում է վերջավորի այդպիսին լինելու փաստը: Այդ պատճառով էլ նրա առանձնահատկությունը, այդպիսին լինելը, որոշակիությունն արդյունք է ինչպես նրա կառուցվածքի, այնպես էլ՝ այն շրջապատի, միջավայրի, որի մեջ ինքը գտնվում է: Հետևաբար՝ խոսել վերջավորի մասին, որպես ինքն իրեն գոյություն ունեցողի՝ վերացականություն է, քանի որ ռեալ վերջավորն իրեն կարող է բացահայտել ուրիշների միջոցով, այսինքն՝ փոխազդեցությունների, հարաբերությունների միջոցով, որոնք էլ կազմում են վերջավորի շրջապատը:

Մատերիալն ռեալ, օբյեկտիվորեն գոյություն ունեցող կառուցվածք է: Մատերիալի կառուցվածք ասելով հասկանում ենք նրա այն բոլոր ձևերի ամբողջությունը, որոնք կազմում են մատերիալի կառուցվածքի տարրերը, և որոնք այս կամ այն ձևերով միանալով՝ կազմում են բազմատեսակ վերջավորներ: Մատերիալի կառուցվածքը չպետք է հասկանալ այնպես, որ դրա բոլոր տարրերը կապված են մի ամբողջական էներգիայով, շարժումով միափոխված են այնպես, որ այդ շարժումը բոլոր տարրերը պահում է մի միասնություն մեջ, ինչպես դա տեղի է ունենում վերջավորների կառուցվածքում: Թացի այդ, մատերիալի կառուցվածքը ամբողջ չէ: Ամբողջ ասելով հասկացվում է որոշակի սահման ունեցող, որոշակիություն ունեցող: Գիտությունը հաստատում է, որ անշափ մեծ համակարգերը չեն կարող կայուն լինել և գոյություն ունենալ: Այսպես, գալակտիկաների մի քանի խմբերի կուտակումներն ունեն իրենց անդամների այնքան մեծ ընթացություն, արագություն, որ գալակտիկայի անդամների փոխադարձ ձգողական ուժերը դրանց չեն կաշկռանում պահել իրենց կուտակումներում:

Մատերիալն չի կարող մի ամբողջական կառուցվածք ունենալ: Մատերիալի կառուցվածք ասելով պետք է հասկանալ այն, որ նրա բոլոր բնաբանական մակրո, մեզո, մեգա օբյեկտները և դաշտերն ունեն կառուցվածք, ինչպես կենդանի օրգանիզմները, հասարակական համակարգերը, մտածողությունը:

Ելնելով վերը նշվածից, մատերիալի կառուցվածքն ամեն մի տարր դիտում ենք իր շրջապատով, այսինքն՝ ամեն մի տարր շրջապատված է որոշակի տարրերով, իսկ դրանցից ամեն մեկն ունի իր շրջապատը, դրանք էլ՝ իրենցը և այսպես անվերջ: Այս անվերջանալի շրջապատային կապվածությունն էլ դիտում ենք որպես մատերիալի անվերջություն: Անվերջությունը տարբեր շրջապատների անկրկնելի բազմություն է, որոնք գտնվում են փոխազդեցության, փոխպայմանավորվածության մեջ: Այդ անվերջությունը միատեսակ՝ կրկնություն չէ, այլ՝ որակապես և քանակապես իրարից տարբեր շրջապատ: Դիալեկտիկական միասնություն, այն իմաստով, որ ամեն մի շրջ-

չապատ որոշակի միասնություն է և դրանցից և ոչ մեկը բացարձակապես նման չէ մյուսին: Ուստի, անվերջությունը սիատեսակ վերջավորների իրար հաջորդականություն չէ, որտեղ գոյություն ունի լոկ քանակական մեծացում, և սի աստիճանը չի տարբերվում մյուսից: Կառուցվածքի տարրերի շրջապատները մեկը մյուսի վրա ավելացում չեն, այլ որակապես և քանակապես նոր և նոր մակարդակներ են: Դրանք ոչ միայն տարբեր մակարդակներ են, այլև մտնում են իրար մեջ, դառնալով մյուսի մասը կամ տարրը՝ նայած դրանց կապին և կառուցվածքի բնույթին:

Վերջավորը և անվերջը մատերիալի կառուցվածքի բնույթով գտնվում են դիալեկտիկական միասնության մեջ: Դա այնպիսի միասնություն է, որտեղ անվերջը չի կարող գոյություն ունենալ առանց վերջավորների, որոնք անվերջի հիմքն են: Անվերջությունն ընդգրկում է վերջավորներին՝ դրանց փոխադարձ կապի և հարաբերության մեջ: Այդ կապը ոչ մի տեղ չի ընդհատվում, քանի որ ամեն մի տարր ունի իր շրջապատը և շրջապատի կապն անընդհատ է, անվերջ: Այդ առումով էլ անվերջությունը ոչ այլ ինչ է, եթե ոչ շրջապատի դիալեկտիկական անվերջանալի կապեր, այնպիսի կապեր, որոնք պայմանավորում են ընդհատությունը և անընդհատությունն ու հաջորդականությունը: Ամբողջությունը հանդես է դալիս ընդհատության, անընդհատության և հաջորդականության միասնությամբ: Անվերջը ընդհատ է այն առումով, որ կազմված է վերջավորներից և դրանց շրջապատից, իսկ անընդհատ է, քանի որ դրանք անընդհատ կապված են իրար հետ: Անվերջությունը հանդես է գալիս որպես ընդհատության և անընդհատության անվերջություն: Անվերջության հաջորդականությունն այն է, որ կառուցվածքի տարրերը և դրանց շրջապատներն իրար հետ կապված են հաջորդաբար, մեկը կազմում է մյուսի շարունակությունը: Սակայն, դա այնպիսի շարունակություն է, որտեղ մեկը մյուսից որակով և քանակով տարբերվում է որպես տարբեր որոշակիություններ: Մյուս կողմից էլ այդ հաջորդականությունը ոչ թե գծային է, այլ կառուցվածքային, այսինքն՝ հաջորդականությունը բազմաուղղվածություն հաջորդականություն է:

Անվերջությունը, լինելով վերջավորների, դրանց շրջապատների և կապերի անվերջություն, իր բնույթով տարբերվում է դրանցից: Այն իր մեջ է առնում բոլոր վերջավորները և դրանց շրջապատները՝ կապերը, որպես իր բովանդակություն: առանց դրանց նա չէր կարող լինել: Մյուս կողմից՝ անվերջության գոյությունը պայմանավորված չէ առանձին վերջավորներով և դրանց շրջապատով: Այն մի տեսակ «անտարբեր» է դրանց նկատմամբ: Ամեն մի վերջավոր կարող է ոչնչանալ և ծնվել, բայց անվերջը դրանից փոփոխություն չի կրում:

Անվերջությունը նաև վերջավորների և դրանց շրջապատի՝ իրենց սահմաններից դուրս գալն է. սահմաններից դուրս գալն էլ հենց անվերջություն է: Այն իմաստով, որ գա ոչ մի տեղ չի ընդհատվում՝ ամեն մի սահմանից դուրս գալ նշանակում է ուրիշի առկայություն: Այստեղ պետք է նկատել, որ սահմաններից դուրս գալ չի նշանակում հասնել անսահմանության, այլ նշանակում է անվերջություն: Անսահման կարող է լինել յուրաքանչյուր վերջավոր, օրինակ՝ երկրագունդը (մարդը շարժվելով նրա վրա մի կետից, երբեք սահմանի չի հանդիպի և երկրագունդը նրան կթվա անսահման): Բայց երկրագունդը որպես վերջավոր, ինքը սահմանափակ է, քանի որ նրանից դուրս էլ գոյություն ունեն ուրիշ վերջավորներ: Ինչպես տեսնում ենք, անսահմանը և անվերջն իրարից խիստ տարբերվում են և դրանց չի կարելի նույնացնել:

Վերջավորների սահմանից դուրս գալը, ինչպես Արիստոտելն էր հաստատում, պոտենցիալ անվերջություն է կամ հնարավորություն: Բայց Արիստոտելը պոտենցիալ անվերջություն ասելով հասկանում էր նույնի կրկնությունը: Իհարկե, դա ևս պրոցես է, սակայն նույնականի անընդհատ կրկնությունների պրոցես, այսինքն՝ մեկը մյուսի վրա քանակական ավելացում է:

Այդ պատկերացման համաձայն նշանակում է, որ ինչքան էլ շատ սահմաններին դուրս գանք, դա միշտ կլինի նույնը, ինչպես Հեգելն էր ասում՝ «հոգի» նույնը:

Սահմանից դուրս գալու պատկերացումը չի տալիս նոր սահմանի անցման պրոցեսի մեխանիզմը: Բանն այն է, որ մատերիալի կառուցվածքի ամեն մի տարր շրջապատված է ուրիշ տարրերով, որոնք էլ կազմում են նրա շրջապատը: Դա այնպիսի շրջապատ է, որի մեջ մտնող տարրերը փոխազդում են, փոխազդմանավորում, հարաբերում, գտնվում են կապերի մեջ և ունեն իրենց սահմանները՝ որպես իրարից տարբեր որոշակիություններ: Դրանց փոխադարձ կապերի ժամանակ կապ է ստեղծվում վերջավորների սահմանների միջև, որի ժամանակ սահմանները դառնում են նրկու վերջավորների սահմանը: Թեև գրանցից ամեն մեկն ունի իր սահմանը, բայց այն միաժամանակ գտնվում է իր հարևանի սահմանում: Այդ նշանակում է, որ նա դուրս է գալիս իր սահմանից, իսկ մյուսն էլ մյուսի սահմանից և այսպես անվերջասալիորեն: Դա կարելի է հասկանալ նաև այլ ձևով: Վերջավորի սահմաններից դուրս դալ նշանակում է նաև բացասել առաջինը և հաստատել նորը, որը և պոտենցիալ հնարավորության իրականացում է: Այս պրոցեսն անվերջանալի է, այնպիսին, որտեղ միշտ էլ առաջանում են սորերը, կորչում է մեկի սահմանը, սկսվում է մյուսն իր սահմանով, բայց առաջինը բացասողի բովանդակության մեջ: Այս անվերջանալի պրոցեսի ընթացքում անվերջությունը հանդես է բերում իր անվերջանալի հնարավորությունը: Նա նորի և հնի, ծնվողի և ոչնչացողի, բացասվողի և բացասողի, փոխադրվողի և փոխազդողի անվերջություն է: Այս պրոցեսում մշտական առկա գոյություն ունի մատերիան, այս իմաստով էլ գոյություն ունի ակտուալ անվերջությունը: Եթե ակտուալ անվերջություն ասելով հասկացվում էր ավարտված, ամբողջական, ինչ-որ իմաստով էլ հակադրված վերջավորը, ապա ակտուալ անվերջություն ասելով հասկանում ենք հարաբերականորեն ավարտուն, ձևավորված ռեալ գոյություն ունեցող վերջավորների դիալեկտիկորեն կապակցված ամբողջություն: Անվերջը ինչ-որ գոյություն չէ, այլ վերջավորների և նրանց շրջապատների ու դրանց փոխազդեցությունների, փոխազդմանավորվածությունների, հարաբերությունների ամբողջություն: Հենց դրանց այսպիսի լինելն էլ անվերջություն է: Դա մատերիալի ռեալ գոյություն է, որն ակտուալություն է, իսկ պոտենցիալ անվերջությունը՝ մատերիալի անվերջանալի հնարավորությունը: Մատերիան պոտենցիալ և ակտուալ անվերջություն է: Նրա այդ երկու կողմերը կազմում են դիալեկտիկական միասնություն: Մատերիան անվերջանալի ակտուալ է և պոտենցիալ, նրա ձևերը անընդհատ ծնվում են և ոչնչանում, վերածվում հնարավորության, իսկ այդ հնարավորությունը՝ իրականության, որն անվերջանալի պրոցես է: Ուստի անվերջությունը նաև պոտենցիալի և ակտուալի՝ մեկը մյուսին անցում է: Այստեղից էլ՝ անվերջությունը հենց մատերիալի բազմակողմանի պրոցեսների ռեալությունն է:

Մատերիալի կառուցվածքի յուրաքանչյուր տարր ունի բազմաթիվ հատկություններ, որոնցից են նաև տարածությունը և ժամանակը, որոնք որպես տարրերի հատկություններ կարող են գոյություն ունենալ միայն դրանց գոյության հետ, և դրանց ոչնչացումը նաև դրանց տարածության ու ժամանակի ոչնչացում է: Նոր տարրերի առաջացման ժամանակ դրանց հետ առաջանում է նաև դրանց տարածությունն ու ժամանակը: Այստեղից էլ՝ տարածությունը և ժամանակը առանց օբյեկտների պատկերացման, արքստրակցիա են: Հետևաբար, օբյեկտների բոլոր կապերի պրոցեսների դեպքում մասնակցում են ինչպես դրանց բոլոր հատկությունները, այնպես էլ տարածությունը և ժամանակը: Երբ կառուցվածքի տարրերը կազմում են իր հենց շրջապատը, ապա այդ շրջապատի մեջ մտնում են նաև տարածությունն ու ժամանակը և առաջանում է տարածության և ժամանակի շրջապատ: Եթե նկատի ունենանք

նաև այն, որ շրջապատի բոլոր տարրերը կապված են դաշտերով՝ զրավիտացիոն, էլեկտրամագնիսական, միջուկային, որոնք որպես մատերիայի ձևեր նույնպես ունեն իրենց տարածությունը և ժամանակը, ապա հասկանալի կդառնա, որ կառուցվածքային կապերը նյութական են, որին մասնակցում են տարածությունը և ժամանակը, որպես դրանց հատկություններ: Կառուցվածքի և դրանց կապերի միջոցով կապվում են նաև տարածությունն ու ժամանակը՝ կազմելով ամբողջություն, որը միաժամանակ անընդհատություն է և ընդհատություն: Բայց քանի որ ամեն մի կառուցվածք վերջավոր է, ապա վերջավոր են նաև տարածությունն ու ժամանակը: Մատերիայի կառուցվածքում նրա տարրերը և դրանց հետ էլ դրանց տարածությունը և ժամանակը կազմում են շրջապատեր: Այդ շրջապատերի անվերջությունը անվերջանալի է դարձնում նաև տարածությունն ու ժամանակը: Տարածության և ժամանակի անվերջությունը ինչ-որ ինքնուրույն բան չէ, այլ պայմանավորված է մատերիայի անվերջությամբ: Տարածության և ժամանակի անվերջությունը իմաստ է ստանում միայն մատերիայի անվերջության միջոցով: Հետևաբար, տարածության և ժամանակի անվերջության կրողը մատերիան է՝ իր անվերջությամբ: Այս առումով էլ տարածությունը և ժամանակն ակտուալ են և պոտենցիալ միայն մատերիայի ակտուալության և պոտենցիալության բնույթով:

ПРОБЛЕМА КОНЕЧНОГО И БЕСКОНЕЧНОГО В СТРУКТУРЕ МАТЕРИИ

Г. А. СААКЯН

Р е з ю м е

Конечное и бесконечное рассматривается в структуре материи. Конечное есть реально и объективно существующий объект, имеющий определенность.

Бесконечное образуется из конечных. Каждое конечное окружено конечными, а каждый член этого окружения имеет свое окружение и так бесконечно. Это структурное актуальное и потенциальное бесконечное, где все конечные в окружениях связаны и взаимодействуют, составляя бесконечное движение.